



**MISA CON NENOS**  
**24 de febreiro de 2019**  
**T. Ordinario - 7º C**  
**S. LUCAS 6, 27-38: “Sede misericordiosos como o voso Pai é misericordioso”.**



**MENSAXE: O amor aos INIMIGOS  
é posible POR XESÚS**

## 1. ACOLLIDA

Irmáns e irmás: Reunímonos neste domingo para celebrar a eucaristía, que é dar grazas a Deus polo amor que nos ten, porque que é misericordioso e compasivo connosco. Este amor de Deus implica que nos amemos uns aos outros, superando o odio e o rexeitamento, sabendo perdoar sempre, incluso aos que nos fan mal. Iremos ser sinceros cando rezamos “perdoáanos porque nós temos perdoado”.

*(Saímos co cartel de Fano deste domingo ou o das frases evanxélicas).*

**No nome do Pai... o Deus da paz, que nos chama a vivir, a perdoar e a facer o ben, sexa connosco.**

## 2. PERDÓN

*Con frecuencia non buscamos o que nos dá a verdadeira felicidade, por iso pedimos perdón.*

-Ti, Xesús, que es misericordioso e compasivo con todos e perdoas as nosas debilidades. **Señor, ten piedade de nós.**


-Ti, Xesús, que ves que nos custa perdoar e os nosos desexos de vingarnos dos que nos fan mal. **Cristo, ten piedade de nós.**

-Ti, Xesús, que sabes dos nosos odios e rancores, que xulgamos e condenamos, que damos para que nos dean. **Señor, ten piedade de nós.**

*Deus, Pai de misericordia, teña piedade de nós e nos leve á vida eterna. Amén.*

## 3. MONICIÓN ÁS LECTURAS

A Palavra de Deus neste domingo ten unha mensaxe moi clara: Deus é amor e misericordia e, por isto nós temos que ten tamén entrañas de misericordia e de perdón. Así é David, na primeira lectura, que perdoa de corazón ao rei Saúl, o seu inimigo e perseguidor. Isto é tamén o que nos manda Xesús no evanxeo: “Amade os vosos inimigos, facede o ben aos que vos odian”...



## 4. PETICIÓN

*Presentemos as nosas súplicas ao Señor dicindo: -Que fagamos sempre o ben.*

1.- Pola Igrexa, para que todos encontremos nela acollida, perdón e apoio. Oremos.

2.- Polos membros da nosa comunidade (parroquia) para que nos distingamos como cristiáns polo perdón e o amor. Oremos.

3.- Polos que teñen o seu corazón cheo de rancor, odio ou vinganza para que aprendan a perdoar. Oremos.

4.- Polos que só pensan no seu ou pasan por encima dos máis débiles. Oremos.

5.- Polos nenos que nos ensinan que perdoar é fácil e que todo ten arranxo. Oremos.

6.- Polos que nos ensinan o poder da mirada limpa e do sorriso para solucionar os problemas. Oremos.

7.- Polos nosos irmáns e irmás defuntos, polos que nos caen mal. Oremos.

*Deus, Pai compasivo e misericordioso, escoita a nosa oración. Por XNS.*

## 5. OFRENDAS

**ALGODÓN:** o amor e o trato delicado aos demais, querémolo representar nesta misa con este algodón. Que busquemos sempre motivos e razóns para querer e axudar a cantos nos necesitan.

**CARTEL COA PALABRA “DEUS”:** Ser como Xesús quere, sen a súa forza, é imposible. Por iso mesmo queremos traer ata o altar o segredo para conseguilo: **DEUS.**

**PAN E O VINO:** Finalmente, sen a nosa presenza na Eucaristía, esqueceríase nos moitas veces o que somos: irmáns. Que o pan e o vino que ofrecemos a Xesús, sexa a nosa promesa de vivir como El viviu e de ter as mesmas actitudes que El tivo.

## 6. VIDEOS 7º ORDINARIO-C

-Lc. 6,27-38, narración: [https://www.eoutube.com/watch?v=GI4\\_vJQ8fHE](https://www.eoutube.com/watch?v=GI4_vJQ8fHE)

-Lucas 6,27-38, o amor cara aos inimigos, película: <https://www.eoutube.com/watch?v=d8aoGz9hPp0>

-Amar os nosos inimigos: <https://www.eoutube.com/watch?v=QsHE9C4glZA>

## 7. SUXESTIÓNS:

-Pedídelle a Xesús que vos axude a ser diferentes, a romper o círculo do mal.

-Cando te custe perdoar dille: “Por ti, Xesús, fareino”.

-Intentamos esta semana rezar conscientemente “perdáanos porque nós temos perdoado”, sendo sinceros e coherentes co que dicimos. O que quere dicir que se non perdoamos, Deus no nos perdoará.

-Poderíase facer un cartel de cartolina sobre un taboleiro titulado “O Meu Próximo”. Cada un crava una chincheta na cartolina e logo dásele a volta á cartolina para ver os buratos. Fáiselles ver que as chinchetas son cada vez que nos metemos con outra persoa... Ao pedir perdón é como se as quitamos, pero o burato xa está realizado.

